

42. Itinere finito exercitum defessum, cujus vexilla pulvere obducta erant, castra ponere jussit in *Narmadæ* ripa, in qua *naktamâlæ* arbores leniter commovebantur a ventis, per aquæ guttas refrigeratis.

43. Ibi elephante ferus, temporum fissuris succo abluto puris, e fluvio emersit, descensu ejus in aquam jam antea indicato per apes superne volitantes.

44. Dentibus suis, qui, vel omni æris colore abluto, nigris lineis sursum ductis distincti erant atque saxis perstricti, prodidit, se in *Rikshavantis* ripis lusisse.

45. Proboscide sua, quam facile tum contraxit tum extendit, cum strepitu magnas undas dividens, apparuit ille, ripam petens, ac si clavos, ad quos alligatus esset, rumpere voluisset.

46. Monti similis, retia palmitum plantarum aquaticarum pectore trahens, ipse aliquanto post in ripam exsiluit, ante eum fluvii undæ, quarum moles aquosa ab illo ejaculabatur.

47. Cum hic unus elephante ferus alios domitos conspiceret, denuo effulsit in temporum rimis pulcher succi imber, qui per aliquod tempus immergendo in aquam ablutus fuerat.

48. Magni exercitus elephanti, cum succum ejus intolerandum, qui odore acri *saptachhadæ* succum referens exstillabat, odorarentur, vehementissimos ducum labores frustrantes terga verterunt.

49. Ille extemplo perturbavit militum castra, relicta a jumentis quæ ruptis vinculis aufugerant, plena curruum fractis rotis eversorum, militumque perturbate mulieres defendere adnitentium.

50. Regis filius, sacri præcepti memor: "Ne elephante ferus occiditor!" irruentem illum ut repelleret, sagitta in temporibus feriit, arcu non fortiter intenso.

51. Ille vix ictus, elephanti forma relicta, coram militibus attonitis induit pulcherrimum corpus, in aere pendens, tremulo splendoris orbe circumdatum.

52. Tum juvenem floribus, in arbore cœlesti natis, atque sua potestate allatis, conspergens, voce assumpta, fulgentem coronam circum pectus suum dentium splendore augens, sic locutus est: